

## Ա. Ղ. Ո. Ք. Ն. Ե. Ր.

Ժողովրդական աղոթքները բաժանվում են երկու տեսակի՝ սովորական աղոթքներ և հիվանդ բժշկելու աղոթքներ։

Սովորական աղոթքներով ամեն մի հավատացյալ դիմում է աստծուն և կամ մի որևէ սուրբի, աղաչում օգնել իրեն՝ դժվարին ընդունելու և հաշտություն իր գործունեության մեջ։ Այս տեսակի աղոթքները շատ էին տարածված, որովհետև ամեն մի մայր, ամեն մի տատ, բացի պարտադիր «հայր մեր» աղոթքից միշտ սովորեցնում էր երեխաներին բերանացի ասել այդ աղոթքները անկողին մըտնելիս և առավոտյան տեղից բարձրանալիս։ Այս աղոթքները շատ տարածված էին։ Հիվանդ բժշկելու աղոթքները որոշ պառավների մենաշնորհն էր և քիչ հայտնի էին ժողովրդի լայն խավերին։ Որոշ պառավներ ժառանգաբար սովորելով իրենց մայրերից, որպես մասնաճիւղ աղոթքներ ասելով։ Հիվանդների ազգականները հրավիրում էին այդ պառավներին, նստեցնում հիվանդի անկողնու մոտ, որպեսզի նա աղոթի։ Պառավները հանում էին դրոպաններից մի որևէ առարկա, գլխավորապես օձի գլուխ և կամացուկ աղոթում, քշում հիվանդի վրայից նրա ցավը։ Իրենց աշխատանքի համար նրանք ստանում էին վարձ՝ փող կամ մթերք։ Այդ պառավները հաճախ «թեթև թափում էին»։ «Թեթև թափում էին» զանազան կերպ, գլխավոր դերը խաղում էին սոխը և կամ հալեցրած արճիճը։ Ավելի հմուտները կրակի վրա դնելով սաճը (բով) հալեցնում էին արճիճը և պարպում տան վրա։ Արճիճը սառելով, ստանում է որոշ ձև և այդ ձևերի վրա նայելով, որոշում էին հիվանդության էությունը, նրա որչափ վտանգավոր լինելը և այլն։

Այդ պառավները իրենց աղոթքները ոչ ոքի չէին սովորեցնում, ասում էին, որ այդ դեպքում

քում աղոթքը կորցնում է իր բուժիչ հատկությունը։

### 1.

Աստվածամար,  
Գամբդ գագար,  
Չարը խափանե,  
Պարին գադարե։

### 2.

Սուրբի Սարգիս, տուն հասնիս,  
Գիշեր ասի, տուս էլլա,  
Սեկ զորավոր սուրբի դեսա,  
Ասի, լացի, ողն ինգա.  
Ասի.—Հայր սուրբի, անունդ ի՞նչ է:  
— Իմ անունս սուրբի Սարգիս,  
Օրթուս անունը սուրբի Մարգիրոս,  
Ծիս գըքալե ամրի վրան,  
Անդադար ձովի՝ վրան:  
Կնա, ասա, կերիներուն:  
Ազադ անե իր արևուն:

### 3.

Լուսացավ, լուսն է պարին,  
Նս հավադամ դերն գենթանի  
Էրգիրքը պածըն է Սիմոնին,  
Մարիամ նստի սուրբի սեղանին  
Լուսաթաթախ խաշն երեսին,  
Աստծո պանն էր պերանին.  
Վով որ ասե իրեք պերան,  
Մեղքը չըհիշվի տադարանին:

### 4.

Համփարցում պածըն բադի  
Օսկի գամար, օսկի կողի,  
Տուռդ գայնի Քրիստոսի  
Չիգոգը մեգ արգաթ-օսկի  
Վով որ հինգ օր ըսսըդ պոնե,  
Մեղքը չըհիշվի տադարանին:

5.

ԱՂՈԹՔ ԿԻՇԵՐԸ ՊԱՌԿԵԼՈՒ ԱՏԵՆ

Աստված աստված է,  
Աստված ջշմարիդ է,  
Ահա մղա կերեղման,  
Հոբիս քեզ էմանեթ:

6.

ՏՂՈՅԿԱՆԻ ԱՂՈԹՔ

Մեզ ձառ մը գա անդեղը,  
Անձառը պուն ունի անդեղը.  
Սև օցն էլլավ գանչելեն, շընչելեն,  
Շունը գանչելեն,  
Գաղուն մլավելեն.  
Մանուգն էր, մորին գերթար:  
Քրիստոս ասաց.—Ու՛ր դերթաս.  
— Գին է, գզոցդանին կերթամ,  
— Ջարքս տառնաս, դարակ ըլաս:

7.

Հիսուս-քրիստոս սուրփ Ձերոնի,  
Վերնագունին, րագարաքին,  
Ան թշնամին գունը առավ,  
Գույս Մարիամը ծանը լսից,  
Վաղից, շուվանը ոտքը ծգից,  
Անօրինաց մահ հանից,  
Սիրգը, փորը փորցանից,  
Աչքը-էրեսը գուր անիս,  
Փենջերեյին էգողը—քար գդուի:

8.

Սուրփ Օվանես, լեռեն կուկաս,  
Սաղմոսը քաղելեն կուկաս:  
Սաղմոսը արից քարին վրան,  
Վեր նայեցավ, նշան դեսավ,  
Վար նայեցավ, սասանեցավ.  
Նշանը նստի քուֆթ կպանի,  
Ալ ու գանանչ շիբիլգիբով.  
Էս թաղեցեք փաղե նաշով.  
Փաղը փտըտած փտտեցունե.  
Էս թաղեցեք փաղե նաշով.  
Օսկին հալման հալեցունե:  
Հայ, հոռոմ գըսգըծացին,  
Ոտքի դագեն ջուր շանցնի:  
Մարիամ Մաղթանի՝  
— Ինչու՞ մենագ բառգիլ իս,  
— Ես մենակ չիմ,  
Քրիստոս կլիտու դագը,  
Դասներգու առաքյալ շորս քովս,  
Անուն Հիսուս-Քրիստոսի:

9.

ԱՍՏՎԱԶԱՄԱՐ

Աստվածամար գույս իս,  
Մեղավորաց հույս իս,  
Անդադար պարեխոսիս,  
Հոբիս քեզի գնքահար,  
Սուրփ մեռունով սրփե զիս,  
Ամենայն շաբե, բելայե փրգե զիս:

10.

Աս գունը դերունի է,  
Դաշարը Սողոմոնի է,  
Ծին տուռը գաբ է,  
Բողոս-Բեղրոս էրթիգն է,  
Փիլոնը էրթիգին ձաձուգն է,  
Կավազանը տուռերու կոցն է,  
Խաչ-ավեղարան կլուխներու դագն է,  
Անուն Հիսուսի-Քրիստոսի:

11.

(Տարբերակ)

Քրիստոս մեր դունն է,  
Աթոռն Սողոմոնի է,  
Բողոս-Բեղրոս տուռ է,  
Սահագ, Ագոփ երթիկս է,  
Փիլոնը երթիկիս ձաձուգ է,  
Խաչը, կավազանը տուռիս կոցն է,  
Տուռըս էգողը քար գըդուի,  
Երթիկիս եգողը եդ տառնա:

12.

ՀԻՎԱՆԴ ԲԺՇԿԵԼՈՒ ԱՂՈԹՔՆԵՐ

Ջառ ճազարի աղոթքներ

Քրիստոս մեր գունը էգավ,  
Խարիրգիթին դունը մղավ,  
Էրիգը պարի, գնիգը շար,  
Թութու մաձուն, կարիի հաց:  
Քրիստոս-դեր էգավ, դեսավ, մեղքցավ:  
Գդու շար աչք,  
Գդու շար նազար երեխային:  
Ջար նազար սև նաշով թաղինք,  
Մեր Մինասին առաջաշութին բերինք:

13.

Խոռ պնագ, խոռ տկալ:  
Թութու մաձուն, թանաքուր.  
Սառը մսուրք նստիլ իմ,  
Գուդիմ, գըխմիմ,

Պայց զավագս սիրդես տուս չի կալ:  
Չար աչքը երեխայիս ձոցիցս հանից,  
Չար աչքը՝ չար փուշ,  
Չար փուշը աչքը փաթլամիշ անե,  
Ջավագս ազադե  
Գրոն չար աչք,  
Գրոն չար նաղար:

14.

Աղոթիմ, գաթն է դուսին,  
Կավագանն է Մովսեսին,  
Քնարը Դավթին,  
Մաղն է Սողոմոնին,  
Ծեռն է Հիսուս-Քրիստոսին,  
Էլեոնին, Չերոնին.  
Առեք էրգու պերան տանագը,  
Գրոն չար աչքը, չար փուշը,  
Չար խոզուկը, չար նաղարը  
(Այս ինչ անուն) ձառային:

15.

ՉԱՐ ՆԱԶԱՐԻ ԱՂՈԹՔ ՏՂՈՑԿԱՆԻ ՀԱՄԱՐ

Դուն ունիմ էրգաթե,  
Բաղերը ամենը գրգաք է,  
Սուրբ գույսը մեշը քուն է,  
Սուրբ Գրիգորը զարթուն է:  
Երեք-երեք բոյ ձիավոր,  
Երեքն ալ դանանչ դաբավոր,  
Մեզը՝ Հիսուս, մեզը՝ Քրիստոս,  
Մեզը մեր դերը:  
Ելանք բարձր սարերով,  
Իջանք խոր-խոր ձորերով,  
Հարուր հաղար հրեշտակով.  
Առչի դեր, ու՛ր կերթաս.  
— Երթանք տուռը հիվանդին,  
Էլլիմ երթիկը դղոցգանին,  
Պալիք ծփիմ վիրաբաշտին:  
Սուրբ ունիմ, սուրբ կողի ունիմ,  
Սուրբ կողի գաբաձ ունիմ,  
Բողոս, Բեդրոս, Անթիանոս,  
Կերեզմանին դերն Հիսուս,  
Հայր Հովսեփ, գույս Մարիամ  
Քուն էղավ դեսավ,  
Բերթի բաղաք ընծայեցավ,  
Ի խանձարուրս բաղեցավ:

16.

Աղոթիմ ութը մագով,  
Աստվածամոր քաղցր գաթով

Գողմային, Դամիանոսին,  
Անարգաթ բժշկին բժշկարանով:  
Սե օցը գրթեցին,  
Առանց մագարթ մագարթեցին.  
Մարը գերավ՝ շաթեցավ,  
Դուստրը գերավ՝ բաղեցավ:

17.

Ով Մարիամ, ի՞նչ դանիս,  
— Հիվանդ իմ ու ջար չունիմ:  
— Առ՝ սեագոթ տանագը,  
Մդիր Ագամա դրախտը,  
Գրոն, իմ սիրելի Ալեքսան,  
Չար աչքը, չար փուշը, չար խոզուկը:

18.

Քրիստոս մեր տուռը տեմ առավ,  
Քարը պարծ արավ,  
Հողը դոշակ արավ,  
Թութու մածուն, կարիի հաց,  
Խոռ գդալ, խոռ պընագ  
Մեշը բրգած հաց:  
Այն օղորմելի էրգանը,  
Օղորմելի գընգանը,  
Առ թոնդրեն ձաղեկը,  
Գրոն մեր Ագոփին  
Չար աչքը, չար փուշը,  
Չար գըռնան:

19.

ԴԵՐՄՈՒԿԻ ԱՂՈԹՔ

Բուժուժը պուն շինից,  
Մըռնունին հեգ օցը սաբան վարից.  
Քրիստոս դերը էգավ, դեսավ,  
Իրեք հեղ թուրից, չորցավ:

20.

ԵՐԵՆԱՅԻ ՊՈՐՏԸ ԲԺՇԿԵԼՈՒ ԱՂՈԹՔ

Մսագը գըդոն երեխային  
Ութը մագով, ութը բուժով,  
Աստվածամոր քաղցր գաթով,  
Գրոնցի, ծկեցի օխտը խաթ ձովի դագը  
Հալեցավ, մաշեցավ,  
Աստվածամոր կիրգը ինգավ:

21.

ՕՁԻԿԻ ԱՂՈԹՔ

Սե օցը մգիլ է հիվանդին ձոցը,  
Սոխախը բոյը համարցակ գեշթա:

Սև օցը վիզը փութթվիլ է,  
 Սև օցը սրդին վրան բառկիլ է.  
 Բժշկաբեզ սուրփի Գարաբեդ  
 Գրոհից սուրով օցին կլուխը,  
 Սև օցին՝ սև անեծք:  
 Սև լեշին՝ սև հող,  
 Հիվանդին՝ առոխչութիւն:

22.

ԱԶՔԻ ՑԱՎԻ ԱՂՈԹՔ

Էլլա, կնացի Մոսես սարը,  
 Հոն մեծ գոլ դա,  
 Գոլին մեշը մեզ հագ կեղ գա,  
 Կեղին մեշը մեծ ձառ գա,  
 Ձառին վրան պունա գա,  
 Պունային մեշը մեզ հագ ձու գա,  
 Անոր մեշն ալ մար օց գա,  
 Օցն ալ բալաներ ունի,  
 Օցն ալ մաղ ունի:  
 Առի սուր տանադը,  
 Խոթեցի օցին պերանը,  
 Զաշտեցի խաֆան.  
 Աչքին լուսը խլեցի,  
 Օհանիս լուս պերի:

23.

ԳԱՅԼԻ ՊԵՐԱՆԸ ԿԱՊԵԼՈՒ ԱՂՈԹՔ

Աստվածամար, ինքդ արա,  
 Լեզուն, պերանը բութ արա,  
 Մեռքը, ոտքը գուլ արա,  
 Բաթը ետևը, գրունդը առչա:

24.

ԿՈՐՈՒՍՏ ՓՆՏՐԵԼՈՒ ԱՂՈԹՔ

Սաղանա՛, սաղանա՛,  
 Մեզ աման մը փախլավա,  
 Շաղը քեզի,  
 Քիչը ինձի,  
 Գորուստիս դեղը ասա ինձի:

Այս աղոթքները անշուշտ շատ հին ծագում ունեն, նրանց մեծ մասը գալիս է մայր Հայաստանից: Դարեր շարունակ թափառելով գաղթականութայն հետ, նրանք ենթարկվել են ոճական փոփոխությունների և դարձել շատ դեպքերում անհասկանալի և անիմաստ: Կան և գաղթականության մեջ հորինված աղոթքներ: № 8 տակ զետեղված աղոթքի «Հայ ու հոռոմ կըսկծացին» խոսքերը պարզ ապացույց են նրա Ղրիմում հորինված լինելուն: